


BASES DE SELECCIÓN PÍONS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



CONCELLO DE LOBIOS

BASES QUE REXERÁN A CONVOCATORIA PARA A CONTRATACIÓN LABORAL TEMPORAL DE 3 TRABALLADORES: 2 PEONS DE SERVIZOS VARIOS E 1 PEON DE OBRAS PARA O CONCELLO DE LOBIOS (OURENSE)

PRIMEIRA.- OBXECTO DA CONVOCATORIA.

O obxecto das presentes bases é regular a contratación laboral temporal de 2 peóns de servizos varios e 1 peón para obras.

PEÓN DE SERVIZOS VARIOS (2): FUNCÍONS

As funcións que se asignan ao posto de traballo son as seguintes:

- Limpeza viaria.
- Limpeza de sumidoiros e rede de sumidoiros.
- Acondicionamento e mantemento de xardíns e zonas verdes.
- Condución e manexo de vehículos de titularidade municipal par aos que se precise permiso de conducir clase B.
- Calquera outro acto de natureza similar non relacionado que sexa ordenado pola autoridade municipal.

PEÓN DE OBRAS (1): FUNCÍONS

As funcións que se asignan ao posto de traballo son as seguintes:

- Reparación da zona de traballo e adecuación do entorno.
- Preparación, carga, transporte, descarga e selección de materiais, ferramentas, máquinas, útiles e equipos de traballo.
- Preparación, revisión, aplicación e conservación dos equipos ou elementos de protección individual ou colectiva necesarios para garantir a seguridade nos traballos.
- Montaxe, uso, desmontaxe e conservación de pequenos andamios e usos de andamios para alturas superiores.
- Preparación de morteiros, pastas e formigóns con medios manuais e mecánicos.
- Limpeza de zanxas.
- Formigonado de diferentes elementos de obra.
- Calquera outro acto de natureza similar non relacionado que sexa ordenado pola autoridade municipal.

SEGUNDA.- PROCEDEMENTO DE SELECCIÓN.

En atención ao carácter temporal da relación, a selección efectuarase mediante oposición e concurso de méritos.

TERCEIRA.- REQUISITOS DOS ASPIRANTES.

Para ser admitidos nesta convocatoria, os aspirantes deberán reunir, na data na que finalice o prazo de presentación de instancias, os seguintes requisitos:



BASES DE SELECCIÓN PÍONS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



CONCELLO DE LOBIOS

1. Ser español ou nacional dalgún Estado membro da Unión Europea, ou ser o seu cónxuxe, sempre que non estean separados de dereito ou ser descendentes dos primeiros ou do cónxuxe, sempre que non estean separados de dereito, sexan menores de vinte e un anos ou maiores dependentes, ou ser persoas incluídas no ámbito dos Tratados Internacionais celebrados pola Comunidade Europea e ratificados por España nos que sexa de aplicación a libre circulación de traballadores nos termos establecidos no artigo 57 da Lei 7/2007, de 12 de abril, do Estatuto do Empregado Público, ou ser estranxeiro con residencia legal en España.
2. Posuír capacidade funcional para o desenvolvemento das tarefas, debendo superar un recoñecemento médico para garantir as condicións de saúde para o traballo a realizar.
3. Ter cumpridos os dezaseis anos e non exceder, se é o caso, da idade máxima de xubilación forzosa.
4. Non ter sido separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial, para o acceso ó corpo ou escala de funcionario, ou para exercer funcións similares ás que desempeñaban no caso de persoal laboral doutro estado, non atoparse inhabilitado ou en situación equivalente que impido, no seu estado nos mesmos termos, o acceso ó emprego público.
5. Non atoparse incurso nas causas de incapacidade previstas na lexislación vixente.
6. Estar en posesión do permiso de conducir B1.

CUARTA.- DURACIÓN DO CONTRATO.

PEÓN DE SERVIZOS VARIOS

A contratación farase por prazo de DOUS (2) MESES, a xornada completa baixo a modalidade de contratación laboral temporal por obra ou servizo determinado.

PEÓN DE OBRAS

A contratación farase por prazo de CATRO (4) MESES, a xornada completa baixo a modalidade de contratación laboral temporal por obra ou servizo determinado.

En virtude das atribucións conferidas polo artigo 31.1g) da Lei 7/1985, de 2 de abril, Reguladora das Bases de Réxime Local correspóndelle á Sra. Alcadesa a competencia para a aprobación das bases das probas para a selección de persoal, ou ó órgano correspondente no caso de existencia de delegación de competencias.

Deste xeito, a relación laboral rexerase pola lexislación laboral, sendo de aplicación principalmente o Real Decreto 2720/1998, de 18 de decembro, polo que se desenvolve o artigo 15 do Estatuto dos Traballadores en materia de contratos de duración determinada, sen prexuízo das normas administrativas que sexan de aplicación ó persoal ó servizo das Administracións Públicas e especialmente ás locais.

QUINTA.- PARTICIPACIÓN E ACHEGA DE SOLICITUDES.


Considerando a inminencia da contratación realizarase convocatoria pública mediante publicación no BOP, no taboleiro de edictos municipal e na páxina web www.lobios.org con carácter de urxencia (ex art. 50 da Lei 30/1992 do Réxime Xurídico das Administracións Públicas e do Procedemento Administrativo Común).

Por motivo de urxencia o prazo de presentación de instancias será de cinco (5) días naturais, contados desde o día seguinte ao da publicación do anuncio no BOP de Ourense. As instancias, dirixidas

BASES DE SELECCIÓN PÍONS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



CONCELLO DE LOBIOS

á Sra. Alcaldesa, presentaranse no Rexistro Xeneral do Concello en horario de oficina de 09:00-14:00 horas.

No modelo que figura como Anexo I a estas bases, o aspirante fará constar que reúne os requisitos que se relacionan no artigo 3 e achegará á solicitude a documentación que consta nesta base:

- Copia cotexada do D.N.I.
- Copia cotexada do carné de conducir.
- Certificado médico oficial que acredite que as condicións de saúde do traballador son as adecuadas para o desempeño do posto de traballo, así como que reúne as condicións físicas necesarias para superar a proba física de esforzo.
- Declaración responsable conforme ao Anexo II.
- Documentación acreditativa dos méritos alegados (vida laboral, contratos, certificados de empresa, cursos, certificado sobre antigüidade como demandante de emprego)

Se o día en que finalice o prazo de presentación de instancias fose sábado ou día inhábil o prazo finalizará o primeiro día hábil seguinte.

A presentación de solicitudes poderá facerse ben no Rexistro Xeral do Concello de Lobios ou ben en calquera das formas establecidas no artigo 38.4 da Lei 30/1992, do Réxime Xurídico das Administracións Públicas e do Procedemento Administrativo Común; as solicitudes que se presenten a través da Oficina de Correos deberán entregarse nun sobre aberto para ser selada e datada polo funcionario de correos antes de ser certificada. Neste caso os aspirantes deberá comunicalo mediante fax ao número 988 44 80 14. Actuarase de igual xeito, no caso de ser presentada a solicitude noutra Administración Pública.

Serán excluídas todas aquelas solicitudes que non remitan este avance ao fax citado.

SEXTA.- SISTEMA DE SELECCIÓN.

O sistema de selección será o de oposición e concurso de méritos.

6.1 Fase de oposición:

Consistirá na realización dunha proba práctica na que se avaliará a pericia no manexo de ferramentas, vehículos e maquinaria a empregar no desenvolvemento das funcións asignadas ás dúas categorías de peóns, cunha valoración máxima de 15 puntos. Ambas probas serán realizadas por persoal cualificado, baixo a supervisión do tribunal de selección.

No suposto de empate a puntos entre varios aspirantes atenderase á maior puntuación obtida por experiencia profesional.

Os/as aspirantes serán convocados/as para a realización do exercicio en chamamento único, quedando decaídos/as no seu dereito quen non compareza á súa realización, salvo casos de forza maior debidamente xustificadas e libremente apreciadas polo Tribunal.

A fase de oposición realizarase en primeiro lugar.

6.2 Fase de concurso de méritos:

A) Experiencia profesional. Puntuación máxima: 5 puntos.

1. Por servizos prestados en concellos na mesma categoría ou similar á do posto ó que se opta: 0,15 por cada mes completo ou fracción.
2. Por servizos prestados noutras administracións públicas na mesma categoría ou similar á do posto ó que se opta: 0,10 por cada mes completo ou fracción.



BASES DE SELECCIÓN PÍONS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



CONCELLO DE LOBIOS

3. Por servizos prestados en empresas privadas na mesma categoría ou similar á do posto ó que se opta: 0,10 por cada mes completo ou fracción.

A experiencia profesional acreditarase mediante a presentación do certificado de vida laboral actualizada e copia dos contratos de traballo ou certificados das empresas. A experiencia que non se considere debidamente acreditada non se puntuará.

B) Formación: valorarase a formación nas materias directamente relacionadas coas actividades e funcións do posto a desempeñar. Máximo: 3 puntos.

1. Cursos de máis de 50 horas: 0,50 puntos/curso.
2. Cursos de entre 20 e 50 horas: 0,20 puntos/curso.
3. Cursos de menos de 20 horas: 0,10 puntos/curso.

A formación dos traballadores acreditarase mediante a presentación de copia dos certificados acreditativos de ter realizada a acción formativa, na que conste o número de horas de formación realizada. No suposto de que non conste o número de horas da acción formativa, entenderase que teñen unha duración inferior a 20 horas, e puntuarase con 0,10 puntos por curso.

C) Situación laboral: valorarase o tempo que figuren como desempregados/as nos dous últimos anos (a contar dende o día anterior á publicación da oferta), conforme a seguinte escala:

- De un mes a seis meses 0,50 puntos
- De seis meses a doce meses 1,00 puntos
- De doce meses a dezoito meses 1,50 puntos
- De dezoito meses a vinte e catro meses 2,00 puntos

SÉTIMA.- LISTAXE DE ADMITIDOS/EXCLUÍDOS.

Rematado o prazo dos 5 días naturais fixado para a presentación de solicitudes a resolución da Alcaldía acordará a aprobación da lista de admitidos e excluídos, con especificación, no seu caso, dos motivos de exclusión, a cal se publicará no taboleiro de anuncios da Casa Consistorial.

Os aspirantes excluídos disporán dun prazo de 1 día, contados a partires do seguinte ao da publicación do acordo, para emendar, no seu caso, o defecto que houbera motivado a exclusión. No suposto de producirse reclamacións deberá tomarse novo acordo estimándoas ou desestimándoas con publicación da lista definitiva no Taboleiro de anuncios. No caso de non presentarse reclamacións polos aspirantes excluídos (de existir) a lista publicada terá carácter definitivo.

OITAVA.- TRIBUNAL DE SELECCIÓN.

O tribunal cualificador nomearase pola Sra. Alcaldesa e, estará integrado de conformidade co artigo 60 da Lei 7/2007, do 12 de abril, do Estatuto Básico de Empregado Público, seleccionando os seus membros entre persoal funcionario, laboral e/ou técnicos competentes na materia. O tribunal non poderá constituírse nin actuar, sen a presenza de, polo menos, tres dos seus membros.

O tribunal está facultado para interpretar e resolver as cuestións que poidan suscitarse na aplicación das normas de procedemento, inspirándose a súa actuación no principio de economía, celeridade e eficiencia.

BASES DE SELECCIÓN PIÓNS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



NOVENA.- PROPOSTA DE CONTRATACIÓN.

A orde de clasificación definitiva de todos/as os/as aspirantes virá determinado pola suma das puntuación totais obtidas na fase de oposición e na fase de concurso.

A orde de clasificación definitiva determinará a proposta de contratación do tribunal e de incorporación ó servizo.

En ningún caso o tribunal cualificador poderá propoñer para a contratación maior número de aspirantes que praza convocadas.

Cos traballadores non seleccionados elaborárase unha listaxe por orden de puntuación. No suposto de renuncia dalgún dos/as traballadores/as contratos/as con anterioridade á finalidade da obra, substituirase po outro/a traballador/a de similares características, segundo a listaxe elaborada cos traballadores non seleccionados. Seleccionando ó/a primeiro/a deles/as e soamente poderá seleccionarse ó/a seguinte a este/a, sempre e cando aquel/a rexeitase o posto ou non cumpra nese intre cos requisitos do punto dous destas bases; o que suporá pasar ó final da lista salvo que se dean as circunstancias de estar xa traballando ou enfermo/a, o que deberá xustificarse mediante a documentación necesaria.

O ditaminado polo tribunal someterase á Alcaldía para a decisión que proceda mediante decreto, que será publicado no taboleiro de edictos do Concello.

DÉCIMA.- CONTRATACIÓN.


Os/as candidatos/as seleccionados serán contratados en virtude de Resolución do Sr. Alcalde da Corporación, sendo obxecto de publicación no Taboleiro de Anuncios do Concello e na web municipal.

UNDÉCIMA.- RECURSOS.

As presentes bases e demais actos administrativos que se deriven do proceso selectivo poderán ser impugnados polos interesados utilizando os medios previstos na Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común e na Lei 7/1985, do 2 de abril, Reguladora das Bases de Réxime Local.

Lobios, 3 de maio de 2016

A Alcaldesa,


María del Carmen Yáñez Salgado

DILIXENCIA.- Estendo a presente para facer constar que as presentes bases cos seus anexos foron aprobadas por acordo de Xunta de Goberno Local de data 4 de maio de 2016.

Lobios, 4 de maio de 2016


A Secretaría,


Marta Izquierdo Gamallo

BASES DE SELECCIÓN PIÓNS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



CONCELLO DE LOBIOS

ANEXO I.-SOLICITUDE PARA TOMAR NA CONVOCATORIA DO CONCELLO DE LOBIOS PARA A CONTRATACIÓN LABORAL TEMPORAL DE 2 TRABALLADORES PARA PEONS DE SERVIZOS VARIOS E 1 PEON PARA OBRAS.

Modelo de instancia:

“D./D^a....., con DNI núm.,
e núm. da Seguridade Social, con domicilio a efectos de notificacións en, e teléfono,
e dirección de e-mail, expón:

Que, unha vez informado/a da convocatoria feita polo Concello de Lobios para cubrir, como persoal laboral de duración determinada, unha praza de (peón de servizos varios/peón de obras):, tendo en conta que reúne os requisitos previstos nas bases da convocatoria, solicita participar no proceso selectivo para o que achega a documentación sinalada con unha (X):

- ☐ Copia cotexada da titulación esixida.
- ☐ Copia cotexada do título de galego
- ☐ Copia compulsada do DNI ou documento que proceda no suposto de estranxeiros.
- ☐ Copia cotexada do carné de conducir.
- ☐ Certificado médico oficial que acredite que as condicións de saúde do traballador son as adecuadas para o desempeño do posto de traballo, así como que reúne as condicións físicas necesarias para superar a proba física de esforzo. que deberán realizar xunto cun recoñecemento médico previo á contratación.
- ☐ Declaración responsable
- ☐ Documentación acreditativa dos méritos alegados (vida laboral, contratos, certificados de empresa, cursos...)

En....., a de.....de 2016

O/A Solicitante

Asdo.

BASES DE SELECCIÓN PÍONS LOBIOS



Estrada de Portugal, 27
32870 – Lobios – Ourense (España)
Tfno.: 34 988 44 80 00
Fax.: 34 988 44 80 14
lobios@lobios.org
<http://www.lobios.org>



ANEXO II.- MODELO DE DECLARACIÓN RESPONSABLE Á QUE SE REFIRE A BASE TERCEIRA PUNTO 5 E BASE SEXTA DAS QUE REXEN O PROCEDEMENTO SELECTIVO PARA A CONTRATACIÓN TEMPORAL DE 10 TRABALLADORES PARA AS BRIGADAS DE PREVENCIÓN E DEFENSA DE INCENDIOS FORESTAIS PARA O CONCELLO DE LOBIOS (OURENSE)

Modelo de instancia:

“D./D^a....., con DNI núm.,
e con domicilio a estes efectos en,

DECLARA baixo xuramento ou promete, aos efectos de ser admitido no proceso selectivo para o ingreso na lista previa na categoría de:

convocada polo Concello de Lobios e, no seu caso, aos efectos da formalización do correspondente contrato de traballo:

- Non ter sido separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial, para o acceso ó corpo ou escala de funcionario, ou para exercer funcións similares ás que desempeñaban no caso de persoal laboral doutro estado, non atoparse inhabilitado ou en situación equivalente que impido, no seu estado nos mesmos termos, o acceso ó emprego público.
- Non atoparse incurso nas causas de incapacidade previstas na lexislación vixente.

En....., a de.....de 2016.

O/A Solicitante

Asdo.....

DILIXENCIA.- Estendo a presente para facer constar que as presentes bases cos seus anexos foron aprobadas por acordo de Xunta de Goberno Local de data 4 de maio de 2016.

Lobios, 4 de maio de 2016

A Secretaria,

Marta Izquierdo Gamallo